

C
CONVOCATORIA FESTIVAL DOS MAIOS 2026

Disposicións xerais

1. A presente convocatoria rexerese polo disposto na Disposición Adicional Primeira da Ordenanza Xeral de Subvencións do Concello de Cambados, publicada no Boletín Oficial da Provincia nº 153 de data 13/08/2025. No non previsto, regularanse polo disposto na citada Ordenanza, na Lei 38/2003, de 17 de novembro, Xeneral de Subvencións e no seu Regulamento aprobado por Real Decreto 886/2006, de 21 de xullo, salvo naqueles aspectos nos que pola especial natureza destas subvencións non resulte aplicable.

2. As bases reguladoras da concesión destas subvencións están contidas na Ordenanza Xeral de Subvencións do Concello de Cambados, aprobada polo Pleno da Corporación, en sesión ordinaria celebrada o 29/05/2025, e publicada no Boletín Oficial da Provincia nº 153 de data 13/08/2025.

3. O marco competencial no que se sustenta esta convocatoria ven reflectido na Lei 7/1985, de 2 de abril, Reguladora das Bases do Réxime Local, que no seu artigo 25.2.m) recolle como competencia propia municipal a promoción da cultura.

Nese sentido, o Concello de Cambados ven desenvolvendo anualmente, o festival dos Maios, recuperando a través desta competencia de promoción da cultura esta antiga celebración galaica, que celebra a primavera e a fertilidade da terra. Destaca pola creación de esculturas vexetais adornadas con flores e ovos, acompañadas de cancións satíricas.

1.- Obxecto.

1. As presentes bases teñen por obxecto a regulación da participación e concesión dos premios do Festival dos Maios 2026, que se celebrará os días 30 de abril e 1 de maio 2026 no Parque de Torrado (Cambados).

2.-Aplicación orzamentaria.

Os gastos inherentes ao presente concurso por un total máximo de 2.450,00 euros se imputarán á aplicación 3380.48100 do orzamento de gastos.

3.- Participantes.

1. Poderán tomar parte neste concurso todas as persoas físicas ou xurídicas, asociacións ou colectivos, sen máis limitacións cas impostas pola legalidade vixente.

2. En todo caso as persoas participantes deberán cumprir os seguintes requisitos:

- Non estar incurso en ningunha das prohibicións para ser beneficiario de subvención establecidas no artigo 13 da Lei 38/2003, de 17 de novembro, Xeneral de Subvención.
- Estar ao corrente no cumprimento das súas obrigacións tributarias e fronte á Seguridade Social e do cumprimento das obrigacións por reintegro de subvencións.



3. O número máximo de grupos participantes será de 14. No caso de superar esta cantidade, seleccionaranse por orde de inscrición, dándolle prioridade ás que contén con máis integrantes domiciliados en Cambados. Polo tanto, será a Organización quen, nos días seguintes tras finalizar o prazo de inscrición, contacte con aquelas que finalmente participen. A orde de actuación será a mesma que a de inscrición.

4. Os grupos estarán formados por un mínimo de 10 persoas, e terán un representante legal maior de idade, que asuma a responsabilidade en todos os supostos derivados da participación neste festival.

4.- Publicación da convocatoria e prazo de presentación.

1. As inscricións poderán ser presentadas a partir do día seguinte da publicación do extracto da convocatoria no BOPPO na forma e termos previstos na Lei 38/2003, de 17 de novembro, Xeral de Subvencións, en relación coa Base de Datos Nacional de Subvencións.

2. A inscrición deberá facerse obrigatoriamente na Biblioteca Municipal Luís Rei, no modelo de inscrición normalizado (Anexo I), indicando:

- Nome do grupo.
- Nome, CIF, enderezo e teléfono da Asociación (no caso de ser unha asociación legalmente constituída). Farase constar así mesmo o nome e DNI do representante da Asociación.
- Nome, apelidos, DNI, enderezo e teléfono do representante (no caso de ser un grupo informal e non unha asociación constituída).

3.- Xunto coa instancia de inscrición deberá achegarse obrigatoriamente a seguinte documentación:

- Copia do DNI do representante do grupo (no caso de grupos informais).
- Copia do CIF da Asociación e copia do DNI do representante (no caso de ser unha asociación legalmente constituída).
- Declaración responsable de atoparse ao corrente das obrigas tributarias e da seguridade social, segundo impreso normalizado (Anexo II).
- Copia do certificado de conta bancaria da Asociación ou do representante do grupo (no caso de grupos informais) para o ingreso da gratificación.

4.- O prazo de presentación da documentación será **ata o mércores 29 de abril de 2026**. As solicitudes recolleranse na biblioteca de luns a venres de 10.00h a 14.00h e de 16.00h a 20.30h, e os sábados de 10.30h a 13.30h.

5.- Normas de participación.

Os maios deberán ter como mínimo 1 metro de alto e 70x70 centímetros de base.

- Os grupos participantes deberán estar o xoves 1 de maio de 2026, ás 11:00 horas, na Praza do Concello para o desfile ata o Parque de Torrado, en caso de mal tempo trasladarase o festival para o Salón José Peña.
- Cada grupo deberá presentar un maio, realizado con materiais tradicionais, relacionado coa data que se celebra.
- Os grupos contarán con medios propios para faceren a súa actuación e terán un



máximo de 20 minutos dende que suban ata que baixen do escenario. Establécese igualmente un mínimo de 2 pezas musicadas para poder participar.

- A actuación realizarase segundo a orde establecida no momento da inscrición, da que deberán estar pendentes cada un dos seus representantes.
- Os grupos non poderán usar na súa actuación medios ou materiais que supoñan un perigo para as persoas.
- Unha vez rematado o festival, os grupos retirarán do espazo no que se realice todas as súas pertenzas.
- Os grupos que o precisen comprométese a entregar, con tempo suficiente (a través dun CD, memoria extraíble...), ao técnico do son os arquivos de música que queiran reproducir durante a súa actuación. Deberán concretar co antedito técnico formato e calidade para evitar problemas durante a actuación.
- Os grupos terán a obriga de entregar o mesmo día da inscrición 2 exemplares das súas letras ou pezas na biblioteca, para incorporalas ao arquivo municipal. Ao presentar as coplas, especificarase se son novas ou pezas tradicionais relacionadas con estas datas.

6. Premios.

Tódolos grupos participantes terán dereito a unha gratificación de 175,00 €, excepto que a organización acorde que non cumpran as presentes bases.

Establécese un límite máximo de consignación orzamentaria de 2.450,00 euros.

7.- Procedemento de concesión dos premios.

1. Ao remate do festival todos os representantes legais deberán reunirse coa organización para asinar os documentos xustificativos pertinentes (Anexo III), mostrando o seu DNI.

2. A Resolución do procedemento co recoñemento da obriga económica que supón o premio correspóndelle á Xunta de Goberno Local. Para isto, o órgano instructor do expediente, tendo en conta a documentación presentada por todos os grupos participantes, formulará proposta para a fiscalización previa da intervención municipal e posterior aprobación pola Xunta de Goberno Local.

Prescídese do trámite de audiencia na proposta de resolución ao non figurar no procedemento nin ser tidos en conta outros feitos nin outras alegacións e probas que as aducidas polos aspirantes.

3. O Acordo de concesión dos premios será publicado no taboleiro de anuncios do Concello de Cambados aloxado na sede electrónica municipal (<https://cambados.sedelectronica.gal>), aos efectos do disposto no artigo 26 da Lei 38/2003, do 17 de novembro, Xeneral de Subvencións e artigo 45.1.b) da Lei 39/2015, do 1 de outubro, de Procedemento Administrativo Común das Administracións Públicas. Do mesmo daráselle traslado á Base de Datos Nacional de Subvencións.

O prazo máximo para a resolución e publicación será de tres meses dende a celebración do



concurso.

4. O aboamento do premio farase a través de transferencia bancaria no número de conta aportado polos representantes legais de cada grupo, unha vez sexa adoptado o acordo de concesión. Non se procederá ao aboamento, no caso de que os beneficiarios non estean ao corrente no cumprimento das súas obrigas tributarias e fronte á SEguridade Social, ou sexa debedor por resolución de procedencia de reintegro.

5. O acto de resolución da subvención esgota a vía administrativa. De acordo co que dispoñen os artigos 123 e 124 da Lei Lei 39/2015, do 1 de outubro, de Procedemento Administrativo Común das Administracións Públicas, contra a resolución poderase interpor un recurso potestativo de reposición, no prazo dun mes contado desde o día seguinte ao da recepción da notificación, ou directamente un recurso contencioso-administrativo, no prazo de dous meses, contados dende o día seguinte ao da recepción da notificación, nos termos recollidos na lexislación vixente.

8.- Compatibilidade con outras axudas.

Os presentes premios serán compatibles con outras subvencións, axudas, ingresos ou recursos para a mesma finalidade, procedentes de calquera Administración ou entes público ou privado, nacionais, da Unión Europea ou de Organismos internacionais.

9.- Aceptación das Bases.

A participación neste Concurso implica necesariamente a aceptación de todos e cada un dos puntos das Bases. En todo momento as persoas participantes deberán cumprir coas indicacións da organización.

Os grupos, coa aceptación destas bases, dan o seu visto e praxe a posibles difusión e explotacións do contido do evento, que será, en todo caso, responsabilidade do Concello de Cambados.

10.- Protección de datos.-

De acordo co establecido na Lei Orgánica 3/2018, do 5 de decembro, de Protección de Datos Privados e garantía dos dereitos dixitais, informámoslle que os seus datos persoais pasarán a formar parte dun ficheiro, cuxo responsable é o Concello de Cambados con domicilio en Praza do Concello s/n, 36630 Cambados (Pontevedra).

A finalidade deste ficheiro é levar a cabo a xestión de datos dos participantes no concurso que organiza o Concello. Estes datos poderán ser cedidos aos medios de comunicación coa finalidade de dar a coñecer aos participantes e gañador ou gañadora. Se o desexa poderá exercer os dereitos de acceso, rectificación, cancelación e oposición remitíndose por escrito á dirección sinalada, achegando unha fotocopia do seu DNI.

11.- Norma final.

En todos aqueles aspectos que non se encontren expresamente contemplados nas presentes bases ou na normativa de aplicación a organización queda facultada para a súa



resolución, así como respecto de todas as cuestións que poidan suscitarse no desenvolvemento do festival.

11. Entrada en vigor.

Estas Bases entrarán en vigor ao día seguinte da publicación dun extracto das mesmas no BOPPO (Boletín Oficial da Provincia de Pontevedra), unha vez rexistradas na Base de Datos Nacional de Subvencións (BDNS) estarán a disposición dos interesados, xunto a ficha de inscrición, na sede electrónica municipal (<https://cambados.sedelectronica.gal>).



ANEXO I INSTANCIA DE INSCRIPCIÓN FESTIVAL DOS MAIOS

D/D^a _____, con DNI _____
con domicilio en _____
_____ e teléfono nº _____
en representación do grupo / Asociación _____
_____ con CIF _____
con domicilio en _____
_____ e teléfono nº _____

SOLICITA

A participación no FESTIVAL DOS MAIOS 2026 convocado polo Concello de Cambados.

Achégase así mesmo a seguinte documentación:

- Copia do DNI do representante do grupo (no caso de grupos informais).
- Copia do CIF da Asociación e copia do DNI do representante (no caso de ser unha asociación legalmente constituída).
- Declaración responsable de atoparse ao corrente das obrigas tributarias e da seguridade social, segundo impreso normalizado (Anexo II).
- Copia do certificado de conta bancaria da Asociación ou do representante do grupo (no caso de grupos informais) para o ingreso da gratificación.

En Cambados, a _____ de _____ de 2026
(Sinatura)

A entrega de presente instancia de inscrición cuberta, implica a aceptación das bases do festival e a participación no mesmo conforme a elas



ANEXO II

DECLARACIÓN RESPONSABLE

D/D^a _____, con DNI _____
con domicilio en _____
_____ e teléfono nº _____
en representación do grupo / Asociación _____
_____ con CIF _____
con domicilio en _____
_____ e teléfono nº _____

DECLARA RESPONSABLEMENTE

Que o grupo / Asociación _____:
- Non está incurso en ningunha das prohibicións para a obtención da condición de beneficiario que recolle o artigo 13 da Lei 38/2003 do 17 de novembro, Xeral de Subvencións.
- Está ao corrente no cumprimento das obrigas tributarias coa Facenda Estatal, Autonómica, e coa Seguridade Social, e co Concello de Cambados.

E para que conste e surta os efectos oportunos, asina a presente declaración.

En Cambados, a _____ de _____ de 2026

(Sinatura)



ANEXO III

FICHA DE BENEFICIARIO FESTIVAL DOS MAIOS 2026

D/D^a _____, con DNI _____
con domicilio en _____
_____ e teléfono nº _____
en representación do grupo / Asociación _____
_____ con CIF _____
con domicilio en _____
_____ e teléfono nº _____

Resultou beneficiario dunha gratificación por importe de 175 €
pola participación no FESTIVAL DOS MAIOS 2026, celebrado en Cambados o día 30 de
abril e 1 de maio de 2026.

Sinatura:

CONFORME, o Concelleiro de Cultura, Joé Luís González Roma.

Asdo :

